



Jäägri Merle:

1965 – Sündi Tallinah

1983 – lõpõt Tallina Kaugõppekeskkuuli

1984 – lõpõt Tallinna 2. Tehnikakuuli kinomehaaniguna

1983 – 1985 punkbändi Verine Pühapäev solist üteh Ülari «Mätas» Ollikuga

1988 – lõpõt Konservatooriumi lavakunstikateedri

1988 – ... Vanemuise näüttelejä

2000-2001 – tiinse sõaväeh soldatina

2002 – ... andsampli Lõkõriq muusik

2002 – ... Tartu liinavolikogo liige

Tütär Ode (16), töönepuul Erki Uustalu

Aoviite: remondi tegemine, geoloogilidse huuao tüüq, punkarist olõmine



Teeneline vanamuttõ mängjä

Olkõ pääle, et varõmb tahtsõ näüttelejä Jäägri Merle egäsugumatsi uhkit kuningatütrit vai kogoni Jeann d'Arc'i mängi – kuulsast omma timmä tennü hoobis tõistsugumatsõ rolli

Linnamäe Lauri

xxxxxxxxxxxxxxxxxxxxxxxxxxxxxxxx

Ma lei su nime interneti ot-singuhe, ja kaeh imet — piä üle kõrra om sust kirotõdu ku kuulsast vanamuttõ mängjast. Misperäst tuu nii om?

Jäägri Merle: Vat esi kah ei tiiä. Ku Mäeotsa Ain lavastas, siss kuigimuudu juhtus jah nii, et mullõ saava vanamuti osa. Olkõ tuu sis „Taarka“ vai „Pühäk“. No „Taarkah“ peris vanamuti osa olõ-i, säääl näütäs inemist läbi elo. A sjoosuvidsõh tüküh „Sõit“ mängi jälki vanamutti jah. Ju ma siss olõ sääne Eesti teeneline paabamängjä.

Latsõna tahtsõ ma iks printsess olla, sädelnü lava pääl, ilosa rõiva säläh ja kõik,

peräldü uhkõ olnu. A ku lavakuuli lätsi, siss tahtsõ rohkõmb Jeann d'Arci mängi. A parhilla om lännü nii, et kõik uma preemjä olõ iks muttõ iist saanu.

Egä's ma kahitsa-i kah, muttõ om tore tetä. Ku kaet paapu kasvai küläpoodi man, siss näil om sääne uma karakter, na omma vällakujunõnu inemise. Kattõ üttemuudu muti sa iks ei lövvä, a tibisit võit löüdä 30 tükkü nii

üttemuudu, et mõista-i vahetki tetä.

Ku Kauksi Ülle Taarkat kirotadõh õkvalt sinnu silmäh pidi, siss piät iks määnegi kõva purakas sul seeh olõma.

Kae, Mäeots üteli, et talle miildüs mukka tüüd tetä. Ta oll kohki niimuudu ülnü, et ku mulle roll ei miildü, siss ma tii ta iks kõrraligult är. A kui roll miildüs, siss om õkvalt sääne turbopauer takah! Vaist tuu omgi tuusama purakas siss.

Mul kuraasi vaist kah rohkõmb ku Üllei hindäl, temperament om vähä tõine. Mul jo vinne verd ka seeh.

Ja printsessi ja Jeanne d'Arc'i jääväki mängmälda?

No ei tulõ vist jah näid inämb, mullõ ei pakutagi säändsit rollõ. Leedi Macbeth'i viil iä poolõst võinu mängi.

Ku sust lavalaudu pääl printsessi saaki-i, siss peris eloholt sa joudnu ka punkar olla. Ja tudeng ja soldat ja kunstnik ja luulõtaja ja näüttelejä ja kiä kõik viil. Kellest sa siss lõppude lõpust esihinnäst piät?

Parhilla olõ ma lausa ehitaja. Ostsõmi üte kortri Tartohe, tuuga om pallo tüüd. Korteri om vana ja taht kõvva restaureeri, tuu olõ-i määnegi nalja-asi.

A sa iks es üteli, miä sinnu niiväega tsusk, et piät säändsit tükki tegemä nigu hääst pääst soldatist nakkama.

Soldatist tahtsõ ma jo väikust pääle saia, a aeg oll siss tõine ja vanõmba teivä mullõ selgest, et tütriklats saai sõaväkke muido ku kokast vai tohtrist. A ma suppi kiitä vai haavu situ es taha, ma tahtsõ püssä laska, tankiga sõita ja mua seeh roomada.

✘ **Ruutslase ja taanlase ja poolaka ja sakslase ja kupallo viil vinne sitta. Kas Rooma paavst om eestläisi iih andiss pallõlnu?**